

omnes pária mérita habent. Sunt álli áliis sanctiores, sunt álli áliis meliores. Quare ergo si unus ab illo, verbi grácia, justo, sancto baptizétur, álius ab álio inferioris mériti apud Deum, inferioris gradus, inferioris continéntiae, inferioris vitæ; unum tamen et par et æquále est quod accepérunt: nisi quia hic est, qui baptizat?

Te Deum laudámus. 56.

Ad Laudes, per Horas, et in iij. Vesperis omnia dicuntur sicut in die Epiphaniæ, excepta Oratione, quæ est Deus cuius Unigénitus, ut supra. 205.

Si octava Epiphaniæ venerit in Sabbato, in secundis Vesperis octavæ fit com. Dñicae ij. post Epiph.

AÑA. Suscépit Deus Israel puerum suum: Sicut locútus est ad Abraham et semen ejus: exaltare húmiles usque in sǽculum.

F. Vespertína oráio ascéndat ad te Dómine. **R.** Et descéndat super nos misericórdia tua.

Oratio.

OMNIPOTENS sempiterne Deus, qui cœlestia simul et terréna moderáris: supplicátes populi tui cleménter exaudi, et pacem tuam nostris concéde tempóribus. Per Dóminum.

DOMINICA PRIMA

POST EPIPHANIAM, QUE EST INFRA OCTAVAM.

In primo Nocturno, legitur Epistola prima ad Corinthis, secundum superiorem rubricam, p. 186.

Incipit Epistola prima beati Pauli Apostoli ad Corinthis.

Lectio j. Cap. 1.

PAULUS vocátus Apostolus Jesu Christi per voluntátem Dei; et Sosthenes frater, Ecclésiae Dei quæ est Corínthi, sanctificáti in Christo Jesu, vocátis sanctis; cum omnibus qui invocant nomen Dómini nostri Jesu Christi; in omni loco ipsorum, et nostro. Grátia vobis et pax a Deo Patre

nostro, et Dómino Jesu Christo.

R. Hódie in Jordáne, baptizáto Dómino apérти sunt cœli, et sic ut colúmba super eum Spíritus mansit, et vox Patris intónuit : * Hic est Fílius meus diléctus, in quo mihi bene complácui. **f.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est Fílius meus diléctus, in quo mihi bene complácui.

Lectio ij.

GRATIAS ago Deo meo semper pro vobis in grátia Dei, quæ data est vobis in Christo Jesu : quod in ómnibus dívites facti estis in illo, in omni verbo, et in omni sciéntia sicut testimónium Christi confirmátum est in vobis : ita ut nihil vobis desit in ulla grátia, exspectántibus revelationem Dómini nostri Jesu Christi, qui et confirmábit vos usque in finem sine crímine, in die advéntus Dómini nostri Jesu Christi. Fidélis Deus,

per quem vocáti estis in societátem Filii ejus Jesu Christi Dómini nostri.

R. In colúmbæ spécie Spíritus sanctus visus est , patérrna vox audíta est : * Hic est Fílius meus diléctus, in quo mihi bene complácui. **f.** Cœli apérти sunt super eum, et vox Patris intónuit. Hic est Fílius meus diléctus, in quo mihi bene complácui.

Lectio iij.

OBSECRO autem vos, fratres, per nomen Dómini nostri Jesu Christi, ut idípsum dicátis omnes, et non sint in vobis schísma : sitis autem perfécti, in eódem sensu, et in eádem sententia. Significátum est enim mihi de vobis, fratres mei, ab iis qui sunt Chloes, quia contentíones sunt inter vos. Hoc autem dico, quod unusquisque vestrum dicit : Ego quidem sum Pauli : ego autem Apóllo; ego vero Cephæ : ego autem Christi. Divísus est Christus?

Numquid Paulus crucifixus est pro vobis? aut in nōmine Pauli baptizati estis?

B. Reges Tharsis et insulæ mūnera ófferent: * Reges Arabum et Saba dona Dómino Deo addúcent. **y.** Omnes de Saba vénient, aurum et thus deferéntes. Reges Arabum et Saba dona Dómino Deo addúcent. Glória Patri, et Fílio et Spirítui sancto. Reges Arabum et Saba dona Dómino Deo addúcent.

In secundo et tertio Nocturno leguntur Lectiones Dominicæ infra Octavam. 190.

Si vero dies octava venerit in Dominica, dicuntur de die octava. 206.

FERIA SECUNDA.

De Epístola prima ad Corínthios.

Lectio j. Cap. 2.

Et ego, cum venissem ad vos, fratres, veni non in sublimitáte sermonis, aut sapiéntiae, an-nuntians vobis testimónium Chri-

sti. Non enim judicávi me scire áliquid inter vos, nisi Jesum Christum, et hunc crucifixum. Et ego in infirmitáte, et timóre, et tremóre multo fui apud vos: et sermo meus, et prædicatio mea non in persuasiblibus humánæ sapiéntiæ verbis, sed in ostensióne spíritus et virtútis: ut fides vestra non sit in sapiéntia hóminum, sed in virtúte Dei.

Lectio ij.

SAPIENTIAM autem lóquimur inter perféctos: sapiéntiam vero non hujus sæculi, neque príncipum hujus sæculi, qui destruún-tur: sed lóquimur Dei sapiéntiam in mystério, quæ abscón-dita est, quam prædestinávit Deus ante sæcula in glóriam nostram, quam nemo príncipum hujus sæculi cognovit: si enim cognoví-sent, nunquam Dóminum glóriæ crucifixíssent. Sed sicut scriptum est: Quod óculus non vidit, nec

auris audívit, nec in cor hóminis ascéndit, quæ præparávit Deus iis, qui díligunt illum.

Lectio iii.

NOBISS autem revelávit Deus per spíritum suum. Spíritus enim ómnia scrutátur, étiam profún-da Dei. Quis enim hóminum scit quæ sunt hóminis, nisi spíritus hóminis qui in ipso est? Ita et quæ Dei sunt, nemo cognóvit, nisi Spíritus Dei. Nos autem non spíritum hujus mundi accépi-mus, sed Spíritum, qui ex Deo est: ut sciámus quæ a Deo doná-ta sunt nobis: quæ et lóquimur non in doctis humánæ sapiéntiæ verbis, sed in doctrína Spíritus, spirituálibus spirituália compa-rántes.

FERIA TERTIA.

De Epístola prima ad Corínthios.

Lectio j. Cap. 5.

OMNINO audítur inter vos for-nicatio, et talis fornicatio, qualis nec inter Gentes, ita ut

uxórem patris sui áliquis hábeat. Et vos infláti estis: et non magis luctum habuístis, ut tollátur de médio vestrum, qui hoc opus fecit. Ego quidem absens córpore præsens autem spíritu, jam judi-cávi ut præsens, eum qui sic ope-rátus est, in nómine Dómini no-stri Jesu Christi, congregátis vo-bis et meo spíritu, cum virtúte Dómini nostri Jesu, trádere hu-júsmodi Sátanæ in intératum car-nis, ut spíritus salvus sit in die Dómini nostri Jesu Christi.

Lectio ij.

NON est bona gloriátió vestra. Nescítis quia módicum fer-méntum totam massam corrúm-pit? Expurgáte vetus ferméntum, ut sitis nova conspérsio, sicut es-tis ázymi. Etenim Pascha nostrum immolátus est Christus. Itaque epulémur, non in ferménto véteri, neque in ferménto malitiæ, et nequitiæ, sed in ázymis sinceri-tatis et veritatis.

Lectio iii.

SCRIPSI vobis in epistola: Ne commisceámini fornicáriis. Non útique fornicáriis hujus mundi, aut aváris, aut rapácibus, aut idólis serviéntibus: alióquin debuerátis de hoc mundo éxiisse. Nunc autem scripsi vobis, non commiscéri: si is, qui frater no-minátor, est fornicátor, aut avárus, aut idólis sérviens, aut maledicus, aut ebriósus, aut rapax: cum hujúsmodi nec cibum súmere.

FERIA QUARTA.

De Epistola prima ad Corinthios.

Lectio i. Cap. 6.

AUDET áliquis vestrum habéns a negótium adversus alterum judicári apud iníquos, et non apud sanctos? An nescítis quóniam sancti de hoc mundo judicábunt? Et si in vobis judicabitur mundus, indígni estis qui de mínimis judicétis? Nescítis quóniam ángelos judicábimus?

quanto magis sæculária? Sæculária igitur judicia si habuéritis: contemptíbiles, qui sunt in Ecclésia, illos constitúite ad judicandum. Ad verecúndiam vestram dico. Sic non est inter vos sápiens quisquam, qui possit judicáre inter fratrem suum? Sed frater cum fratre judicio conténdit: et hoc apud infidéles?

Lectio ij.

JAM quidem omnino delictum est in vobis, quod judicia habétis inter vos. Quare non magis injúriam accípitis? quare non magis fraudem patímini? Sed vos injúriam fáctis, et fraudátis, et hoc frátribus. An nescítis quia iníqui regnum Dei non possidébunt? Nolíte erráre: Neque fornicárii, neque idólis serviéntes, neque adulteri, neque molles, neque masculórum concubitóres, neque fures, neque avári, neque ebriosi, neque maledici, neque rapáces, regnum Dei possidébunt. Et hæc

quidam fuistis: sed abluti estis, sed sanctificati estis, sed justificati estis in nomine Domini nostri Iesu Christi, et in Spiritu Dei nostri.

Lectio iij.

OMNIA mihi licent, sed non omnia expediunt: Omnia mihi licent, sed ego sub nullius redigar potestate. Esca ventri, et venter escis: Deus autem et hunc et has destruet: corpus autem non fornicationi, sed Domino: et Dominus corpori. Deus vero et Dominum suscitavit: et nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis, quoniam qui adhaeret meretrici, unum corpus efficitur. Erunt enim (inquit) duo in carne una. Qui autem adhaeret Domino, unus spiritus est. Fugite fornicationem.

FERIA QUINTA.
De Epistola prima ad Corinthios.

Lectio j. Cap. 7.

DE quibus autem scripsistis mihi: Bonum est homini mulierem non tangere: propter fornicationem autem unusquisque suam uxorem habeat et unaquaque suum virum habeat. Uxori vir debitum reddat: similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier.

Lectio ij.

NOLITE fraudare invicem nisi forte ex consensu ad tempus, ut vacatis orationi: et iterum revertimini in id ipsum, ne tentet vos Sathanas propter incontinentiam vestram. Hoc autem dico secundum indulgentiam, non secundum imperium. Volo enim omnes vos esse sicut me ipsum: sed unusquisque proprium do-

num habet ex Deo : álius quidem sic, álius vero sic. Dico autem non nuptis et víduis : Bonum est illis si sic permáneant, sicut et ego. Quod si non se cóntent, nubant. Mélius est enim núbere quam uri.

Lectio iij.

Ils autem, qui matrimónio juncti sunt, præcípio non ego, sed Dóminus; uxórem a viro non discedere : quod si discésserit, manére innúptam, aut viro suo reconciliári. Et vir uxórem non dimittat. Nam caeteris egodico, non Dóminus. Si quis frater uxórem habet infidélem, et hæc conséntit habitare cum illo, non dimittat illam. Et si qua múlier fidélis habet virum infidélem, et hic conséntit habitare cum illa, non dimittat virum : sanctificátus est enim vir infidélis per muliérem fidélem, et sanctificáta est múlier infidélis per virum fidélem : alióquin filii vestri im-

mundi essent, nunc autem sancti sunt.

FERIA SEXTA.

De Epístola prima ad Corínthios.

Lectio j. Cap. 13.

Si linguis hóminum loquar et Angelórum, caritátem autem non hábeam, factus sum velut æs sonans, aut cymbalum tinniens. Et si habúero prophetiam, et növerim mystéria ómnia, et omnem scíentiam : et si habúero omnem fidem, ita ut montes tránsferam, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam ; caritátem autem non habúero, nihil mihi prodest.

Lectio ij.

CARITAS pátiens est, benigna est : cáritas non aëmulátur, non agit pérperam, non inflátur, non est ambitiosa, non quærit quæ sua sunt, non irritátur, non cógitat

malum, non gaudet super iniquitatem, congaudet autem veritatem : omnia suffert, omnia credit, omnia sperat, omnia sustinet. Cari-
tas numquam excidit ; sive prophetiae evacuabuntur, sive linguae cessabunt, sive scientia destruetur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est.

Lectio iii.

Cum essem parvulus, loquabar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quae erant parvuli. Videlimus nunc per speculum in aenigmate : tunc autem facie ad faciem. Nunc cognosco ex parte, tunc autem cognoscam, sicut et cognitus sum. Nunc autem manent, fides, spes, caritas, tria haec : major autem horum est caritas.

SABBATO.

De Epistola prima ad Corinthios.

Lectio j. Cap. 16.

DE collectis autem, quae fiunt in sanctos, sicut ordinavi Ecclesiis Galatiæ, ita et vos facite. Per unam sabbati unusquisque vestrum apud se sepont, recöndens quod ei bene placuerit : ut non, cum venero, tunc collectæ fiant. Cum autem præsens fuerit : quos probaveritis per epistolas, hos mittam perférre gratiā vestram in Jerúsalem. Quod si dignum fuerit ut et ego eam, mecum ibunt.

Lectio ij.

VENIAM autem ad vos, cum Macedoniam pertransiero : nam Macedoniam pertransibo. Apud vos autem forsitan maneo, vel etiam hyemabo : ut vos me deducatis quocumque iero. Nolo enim vos modo in transitu videre : spero enim me aliquantulum temporis manere apud vos, si Domi-

nus permíserit. Permanébo autem Ephesi usque ad Pentecósten. Ostium enim mihi apértum est magnum et évidens : et adversarii multi.

Lectio iii.

SI autem vénérerit Timótheus, vidéte ut sine timóre sit apud vos : opus enim Dómini operátur, sicut et ego. Ne quis ergo illum spernat : dedúcite autem illum in pace, ut véniat ad me : exspécto enim illum cum frátribus. De Apóllo autem fratre vobis notum fácio, quóniam multum rogávi eum, ut veníret ad vos cum frátribus ; et útique non fuit volúntas, ut nunc veníret : véniet autem, cum ei vácum fúerit. Vigiláte; state in fide, viríliter ágite, et confortámini. Omnia vestra in caritáte fiant.

DIE XI. JANUARII,

Fit commemoratio S. Hygini Papæ et Martyris, infra Octavam Epiphaniæ.

Ad Vesperas.

Aña. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

ꝝ. Glória et honóre coronásti eum, Dómine. **B.** Et constituísti eum super ópera mánuum tuárum.

Oratio.

INFIRMITATEM nostram résponce, Omnípotens Deus : et quia pondus pròpriæ actiónis gravat, beáti Hygini Mártiris tui atque Pontíficis intercéssio gloriósa nos prótegat. Per Dóminum.

Ad Laudes.

Aña. Qui odit ániam suam in hoc mundo, in vitam ætérnam custódit eam.

ꝝ. Justus ut palma florébit. **B.**